



REGIONE AUTÒNOMA DE SARDIGNA
REGIONE AUTONOMA DELLA SARDEGNA



PROVÍNTZIA DE SU SUD SARDIGNA



COMUNU DE TEULADA

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

Dònna annu sa traditzioni sarda si annovat gràtzias a unu calendàriu prenu de eventus e manifestatzionis.

In sa Sardìnnia intrea: processionis, cuncertus, regatas, spetàculus teatralis e mostras-mercau oferrint unu palcuscènicu spantosu, allirghendi e incantendi su bisitadori, su spetadori, s'ascurtadori, improntendi progetus culturalis chi soddifant is esigènzias diferentis. In ocasioni de is festas traditzionalis torrante a bivi s'ànimu de su pòpulu sardu. Is conditzionis de isula e is acuntèssius stòricus ant agiudau a assegurai una sienda arrica de cultura populari. Is festas popularis funt su scenàriu prus tìpicu chi sa terra nostra oferrit, siat a chini da bivit dònna diri e siat chini s'agatat a passai intre is citadis suas. Fintzas Teulada torrante in custu scenàriu de respetu mannu po su passau suu. Su Comune, impari a is Assòtzius localis e de su territòriu, oferrit incarrerus culturalis medas. Sighint is atòbius traditzionalis, cuddus torraus a repiti dònna annu e giai giai funt de costumàntzia a ddus fai in su territòriu locali.

Sa Candelora, 2 de friaxu

Festa in onori de sa Madonna de su Rosàriu. In s'interis de sa giorronada funt benedixus: su pani, is stiàricas e cuatru cìrius chi ant a essi portaus me in sa processioni de su domìnicu de Pasca Manna.

Carrasegare teuladino

Una manifestatzioni allirga e sighia in sa bidda intrea: ballus e festas mascheradas faint lompi genti meda. In totu sa bia printzipali s'amostant carrus de festa e truma in mascheras.

Cida Santa

Est su periodu innantis a sa Pasca Manna e est su sentidu religiosu prus mannu; processioni de Gesu Cristu mortu po mori de sa cruxi de sa penitèntzia.

Su Cenàbara Santu si fait sa Bia Crucis e sa tzerimònia de su scravamentu, aundi pigant parti su grupu in bistimenta de Is Feronis e is Cunfradas.

Su mengianu de sa domìnicu de Pasca Manna si fait sa processioni de s'incontru.

Sant'Isidoru maju - austu

Mancai no est su patronu de sa bidida, est a Sant'Isidoru chi is teuladinus funt prus fidelis. A su protetori de is massaius, chistioni chi amostat s'identidadi stòrica de sa bidida, ddi funt dedicadas processioni in duus periudus de s'annu: maju e làmpadas. In ambaduu periudus, sa processioni, partit da Teulada po lompi a sa cresiedda, me in su satu, de Sant'Isidoru, in logu anca est sa localidadi de Tierra, aundi fiat nàscia sa bidida, innantis de s'amanniai in su seixentu. In unu segundu tempus sa statua de su santu benit torrada in bidida, portada da is tracas, carru po bois fatu a festa e acumpangiau da cavalleris in àbitu tradizionali e fidelis medas. Sa festividadi prus funduda bit pigai parti biddas medas da sa Sardigna intrea, chi cun is àbitus diferentes faint de sa processioni de austu, un'atramentu fintzas po su chi pertocat su turismu. Sa processioni manna de Austu est, a oi, s'avenimentu religiosu tradizionali de primori, de costa parti de Sardinnia, apustis de tres mesis da Sant'Efis de Pula e innantis de duus mesis da s'incarreru de is festas patronalis de atòngiu de su Sulcis. Is ùrtimas editzionis ant biu sfilai cavalleris medas e grupus folk chi ndi lompiant da dònna parti de s'Isula, e a s'acabu de su meri ant amostau is ballus tradizionalis sardus insoru. Sa cura e atenzioni prus manna est po su respetu de s'àbitu tradizionali de Teulada, connoto po su cabeddu a fardali, po is culletus artus amidaus e ricamaus a puntu de nu e a puntu de brodu, tìpicu de s'àbitu tradizionali feminili.

Madonna de su Carmu, 16 de argiolas

Festa Patronali. Festa in onori de sa Madonna de su Carmu, missas religiosas, spetàculus musicalis, teatralis e Folklorìsticus.

Sagra de su Piscadori, austu

Processioni a mari in onori de sa Madonna, tastu de pisci friscu, mùsica, folclore e spetàculu de guetus faint sa giorronada particolari.